



Goliux doekseng youq gwnz ndoi, ngoenznaengz ndit dak raeujrub, fwn rwed sangjswt.

Ngoenz ndeu, gwnzmbwn doek haujlai fwn roengzdaeu, doenghgo ndoet raemx cungj imq yaek dingj mbouj ndaej lo, gwnzmbwn lij doek fwnz mbouj dingz. Goliux hix gaenq ndoet ndaej dungx bengq yaek dek lo. Banhaemh, youh doek ciengz fwn hung ndeu, raemxrongz rag dwk namh rin daij gwnz ndoi maenijhumhum

Goliux Buen Ranz

柳树搬家

dongj roengzdaeu. Goliux doek-saetyat, sikhaek capmax maenh, hoeng, faq namh lajdin de deng raemxrongz baenz faq dongj loenq nod roengz ndoi lo. Goliux saemxsax mbat ndeu, haenqrengz capmax mbouj hawj swheij laemx, caeuq faq namh lajdin itheij riengz dwk raemxrongz nod coh laj dinndoi.

Goliux dap faq namhnaez daeujaengz henz dah. Henzdah miz caz go'ngaih hung ndeu, goliux iet fwnz vax dawz go'ngaih, youh yungh rengz caijcaij doi namh lajdin, ndwn cingq lo. Hoeng, cij yaep he, youh miz doi namh ndeu daij gwnz ndoi nyoengx roengzdaeu. Doi namh yied daeu

yied hung, moek dwk de baenzlawz cak hix ndwn mbouj ndaej daengj lo. Hoeng, de cix mbouj doeknaiq, couh cengqgengz ngeng dwk aenndang, haenqrengz mbouj hawj swheij laemx roengzbae.

Fwn dingz lo, daengngoenz okdaeu lo. Goliux ngiengx gyauej coh daengngoenz, ndwn ndaej engq maenh lo.

Gizneix dwg henz dah, gyawj raemx youh ndaej dak ndit, goliux angq raixcaix, couh youq gizneix youq roengzdaeu lo.

Ngoenznaengz duzroeg mbin bae mbin dauq, baenz gyoengq baenz gyoengq daeu ranz de guhcaemz,

douh youq gwnz mbaq gwnz gyauej de ciengqgo diuqfoux, nauhyied raixcaix. De angq dangqmaz.

Goliux youh maj sang lo, gwnz laeng gwnz gen maj nye moq okdaeu, maj iet coh daengngoenz.

Mbouj nanz, raemxrongz youh daeu lo, youh miz doi namh ndeu daij gwnz ndoi gyod nyoengx roengzdaeu lo, youh nyoengx goliux caeuq faq namh lajdin nod doengh lo. Goliux mbouj ienq mbouj heiq, cungj geiq maenh gij vah daxmeh —Miz ndit miz raemx couh miz maqmuengh.

Couh yienghneix, goliux buen le haujlai baez ranz, heux dwk diuzdah, lumj naengh aenruz menhmenh dep dwk diuzdah bae youz guhcaemz nei. De seizseiz cungj geiq ndaej au maj rag capmax, ndigah, gij rag de yied daeu yied laeg, gij nye de yied daeu yied lai, gij mbaw de yied daeu yied mwn. Raemxrongz namhconj caiq hix nyoengx mbouj doengh de lo.

(Ganh Sozvwenz/甘说文)

Ngoenzseng Daxgoeng

爷爷的生日

武鸣县锣圩镇英圩小学五(一)班 陆仕群

Ranz gou seiqdaih caemh ranz, buzgeq gou bineix gaenq 90 bi lo, daengx ranz vnz saedceij gvaq ndaej cibfaen vuenyungz.

Bineix, ngoenzseng dax-goeng gou 60 bi ngoenz haenx, daxboh gou vihliux hawj dax-goeng haisim, daegbied guh le daiz byaek rim ndeu, lij cawx ma haujlai dangzbingj caeuq lwgmak, dangyienz noix mbouj ndaej aen dangauh hung ndeu lo.

Gou yawjraen aen dangauh haenx, ngah dwk myaiz cungj rih lo, maqmuengh daxgoeng vaiq di diemj labcuk guhmbaenj, yienz-haeh ndaek gaemz ndaek gaemz

gwn dangauh.

Daxboh diemj labcuk le, daengx ranz vnz doiq daxgoeng bek fwnz angqvauvau ciengq: "Hoh mwngz ngoenzseng ang-yangz……" Ciengq sat le, gou bang daxgoeng boq ndaep labcuk, yienzhaeh gou sikhaek ietfwnz bae cang vanj dangauh rim ndeu. Mwhhaenx, daxgoeng laengz dwk gou, naeuz: "Menh di." Cijraen daxgoeng cienq ndang, song fwnz dawz vanj dangauh soengq hawj buzgeq, lij haenqnaj doiq dou naeuz: "Sou rox buzgeq sou seng gou ngoenz haenx lwi? Ngoenz haenx de geijlai indot



geijlai hojnanh ha, de cackangh baenz hwnzngoenz ndeu cij seng gou okdaeu, seizhaenx mbouj gangj miz noh gwn, haeux lij gwn mbouj imq ha!"

Dingq le vah daxgoeng, yawj aen naj buzgeq ginglig hojnanh youh swnhsoh haenx, youh yawj aen dangauh hung haenx, gou rox lo, ciuhvunz banlaux sinhoj dwg-rengz ha, raeuz guh lwglan yaek hauqswnh bouxlaux cij ndaej.

(指导老师:廖永恒)

Gyanghaet Hagdangz

校园的早晨

Gyanghaet hagdangz dwg caem-dingh. Gyanghaet caengz mok mbang lumj mbaw baengzsa nei gyuemluemz aen hagdangz, aenlaeuz sonhag ndoj youq ndaw mok. Gizgyae, mok mumjmumj gymqgyumq, gij gingjsaek neix geijlai hawj vnz maez ha.

Gyanghaet hagdangz dwg gyaue-ndei. Dang daengngoenz loh ok aen najriu de seiz, ngoenz moq he hainduj lo. Ndaw hagdangz, go'nyw iq daengj hwnj aennaj dwggayez de; gij va gak saek gak yiengh, miz hau, nding, henj…… ndeiyawj lai lo; gofaex henz va heusubsub, dak dwk dujva engqgya gyaundeil!

Gyanghaet hagdangz dwg nauhyied. Dang gyoengq doengzhag laebdaeb daeujaengz hagdangz, ndaw hagdangz sikhaek nauhyied hwnjdaeu, ndaw cauhsangz, gyoengq doengzhag dwkgiuz bouxboux ak raixcaix, youq gwnz giuzcangz buet bae buet dauq. Mizseiz gyoengqde sugsed yinhgiuz, cienzgiuz, douzlanz, sawj gyoengq doengzhag ngonzyawj haenx haenh mbouj dingz.

Gyanghaet hagdangz dwg cung-muenx maqmuengh. Dang daengngoenz henjrwg ciuq haeu ndaw conghcueng seiz, ndaw gyausiz gaenq dwg sing doegsaw goksasa. Gyoengq doengzhag gaemdawz bonjsaw, mbouj haengj sai seizgan saek faen saek miux.

Gyanghaet hagdangz gak saek gak yiengh, gou gyaek yanghaet hagdangz.

(Giyangzhu Sizyen Yozyau Goh Sihyi)



Go'byaekkhau Dasang

骄傲的白菜

Miz ngoenz ndeu, duzndwen youh roeb daengz go'byaekkhau, go'byaekkhau naeuz:

"Vei, 'duzndonjnamh', mwngz youh guh gijmaz ha?"

"Gou bang mwngz soeng namh ha!"

"Gijmaz? Bang gou soeng namh? Ndei riu lai lo, yawj mwngz duz ndaemndwt neix, cij ndaej ndoj youq ndaw namh. Yawjyawj gou, gwnz ndang miz hau miz heu, geijlai ndei yawj ha, lij yungh mwngz bang?"

"Mwngz gaej cej daihbau lo, mbouj miz gou, namh couh bienq geng, mwngz couh sup mbouj daengz raemx caeuq yingzyangj laj namh."

"Hw! Mbouj miz mwngz, gou

ciuqyiengh maj ndaej ndei! Mwngz youq henz gou, dauqfanj vaih gij gyaundeil gou. Dai seizneix hwnj, mwngz liz gou gyae di, gaej caiq dauqma."

Duzndwen dingq le, ngauz-ngauz gyauej danq gaemz heiq he byaij bae lo. Gvaq mboengq seizgan he, mbwnrengx mbouj doek fwn, namh bienq geng lo. Go'byaekkhau sup mbouj daengz raemx caeuq yingzyangj laj namh, mbawde ciemhciemh bienq henj, seizhaenx go'byaekkhau ienqhoij naeuz: "Gou mbouj wnggai dasang, yawj mbouj hwnj duz-ndwen ha." Hojsik gaenq ceiz lo, go'gyaekkhau doeklaeng roz dai lo.

(seiq nienzgaep Cangh Mungnaz)

Youq reih byaekkhau he, miz duz ndwen he. Duzndwen moix ngoenz cungj gaenxgyaek ndai-reih, au namh fan le baez youh baez, mbouj rox naetnaiq mbouj rox baeg.

Byaekkhau ndaw reih maj ndaej gig noengq, hoeng miz go byaekkhau ndeu gingciengz riu duzndwen, duzndwen dingq le mbouj dawz haeujsim, ciuqyiengh guh gij hong de.